

四庫全書

史部

欽定四庫全書

萬壽盛典初集卷二十九

恩賚五

蠲賦一

康熙五十二年三月十八日

萬壽覃恩以天下地丁錢糧已經輪免一周其京城及
各省房地租稅五十三年額征併歷年逋欠亦
予豁免

恩詔內開一天下地丁錢糧既沛恩澤於三年內悉予

豁免其自京城及各省房地租稅多係貧民賃餽官地棲身營業宜并蠲恤以覃恩惠著察明京城內并各省每年地租額數於康熙五十三年豁免一年其歷年逋欠若干一并察明免其追補

先是康熙四十九年

上欲大沛恩膏將天下錢糧通免一年

命廷臣集議以各處需用兵餉撥解之際兵民驛遞恐

致煩苦應於三年內輪免一周

上允其議於本年十月初三日

特頒

上諭諭戶部曰朕恭膺

天眷祇承

列祖鴻庥統御萬方子育兆庶厘懷至治宵旰靡寧幸際
海宇同風邊隅嚮化遐邇中外帖然衽席之安者是
皆仰荷

天地

祖宗福祐之所致也方朕八齡踐祚之初

太皇太后問朕何欲朕對臣無他欲惟願天下治安生民
樂業共享太平之福而已迄今五十年矣惓惓此心
未嘗一日少釋每見民為邦本勤恤為先政在養民
蠲租為急數十年以來除水旱災傷例應豁免外其
直省錢糧次第通蠲一年者屢經舉行更有一年蠲
及數省一省連蠲數年者前後蠲除之數據戶部奏
稱通共會計已逾萬萬朕一無所顧惜百姓足君孰

與不足朝廷恩澤不施及於百姓將安施乎朕每歲
供御所需槩從儉約各項奏銷浮冒亦漸次清釐外
無師旅饗餽之煩內無工役興作之費因以歷年節
損之儲蓄為頻歲渙解之恩膏朕之蠲免屢行而無
國計不足之慮亦恃此經畫之有素也比來省方時
邁已歷七省南北人民風俗及日用生計靡不周知
而民生所以未盡殷阜者良由承平既久戶口日蕃
地不加增產不加益食用不給理有必然朕洞矚此

隱時深軫念爰不靳敷仁用甦民力明年為康熙五十年思再沛大恩以及吾民原欲將天下錢糧一槩蠲免因衆大臣集議恐各處需用兵餉撥解之際兵民驛遞益致煩苦細加籌畫悉以奏聞故自明年始於三年以內通免一周俾遠近均霑德澤直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百二十二萬六千一百兩有奇應徵人丁銀共一百

一十五萬一千兩有奇俱著察明全免並歷年舊欠
共一百一十八萬五千四百兩有奇亦俱著免徵其
五十一年五十二年應蠲省分至期候旨行民間舊
欠既經豁免嗣後每年額徵錢糧務如數全完倘完
不及額或別有虧空託稱民欠則負國甚矣即責令
督撫以下官員償補仍從重治罪夫地方大吏以及
監司守令皆與吾民誼均休戚者也誠克體朕孳孳
保赤之懷實心愛養力杜侵牟朘削則閭閻咸得衣

食滋殖無有失所而為官吏者亦身名俱泰豈非昇平樂利之盛事歟爾部移文各督撫諭旨到日即刊刻頒布徧示窮簷令咸知悉特諭

康熙五十年十月初三日復頒

上諭諭戶部曰朕誕膺大統撫育寰區夙夜孜孜不自暇逸凡以為民也勤圖利濟休養安全即無水旱之虞時布寬仁之政蠲租除賦務使遐方率土無不均霑或值雨暘偶愆出帑發粟多方賑恤其有益於吾

民者靡勿備舉而亟行之朕憇懇周詳之至意前四十九年所頒諭旨申晰甚明原欲將五十年天下錢糧通行蠲免以諸臣集議恐需用兵餉撥解之際兵民驛遞益致煩苦故自五十年為始三年之內全免一周除將直隸奉天等九直省康熙五十年地丁錢糧一槩蠲免及歷年舊欠錢糧一并免徵外山西河南陝西甘肅湖北湖南各撫屬除漕項外五十一年應徵地畝銀共八百四十萬四千兩有奇人丁銀共

一百二十萬八千一百兩有奇著察明全免並歷年
舊欠共五十四萬一千三百兩有奇亦俱著免徵其
五十二年應蠲省分至期候旨行民間舊欠既經豁
免嗣後每年額徵錢糧務如數全完倘完不及額或別
有虧空託稱民欠即責令督撫以下官員償補仍從
重治罪該督撫須實心力行期副朕惓惓愛民之意
如有指稱事故侵欺科派事發之日必嚴行究治諭
旨到日徧示城郭鄉村深山窮谷咸使知悉爾部即

遵諭行特諭

康熙五十一年十月初三日又頒

上諭諭戶部曰朕宵旰孜孜勤求民瘼永惟惠下實政
無如除賦蠲租除每歲直省報聞偶有水旱災傷照
輕重分數豁免正供仍加賑恤外將天下地丁錢糧
自五十年為始三年之內全免一周使率土黎庶並
被恩膏除將直隸奉天浙江福建廣東廣西四川雲
南貴州及山西河南陝西甘肅湖北湖南各直省康

熙五十年五十一年地丁錢糧一槩蠲免歷年舊欠
錢糧一并免徵外所有江寧安徽山東江西各撫屬
除漕項外五十二年應徵地畝銀共八百八十二萬
九千六百四十四兩有奇人丁銀共一百三萬五千
三百二十五兩有奇俱著察明全免其歷年舊欠銀
二百四十八萬三千八百二十八兩有奇亦並著免
徵計三年之內總免過天下地畝人丁新徵舊欠共
銀三千二百六萬四千六百九十七兩有奇各該督

撫務須實心奉行體朕軫念民生至意如有侵欺隱
匿使惠不及民借端科派者督撫嚴行察叅督撫失
察事發之日亦嚴加究治諭旨到日立即徧示城郭
鄉村咸使知悉爾部即遵諭行特諭

臣等伏稽往古赦免田租始於炎漢嗣是以後
亦有踵而行之者大抵多由水旱間以軍興或
擇地而蠲或計分而免從未有國家全盛人民
和樂普天率土共沐

皇仁如

今日者也惟我

皇上踐祚之初即以天下治安生民樂業為念宵衣旰食勤恤閭閻節用阜財務臻熙皞

御極五十二年蠲賑之令不一而足如截漕平糶山陝之地則由陸運閩廣之地則由海運無不先時籌畫因地制宜博施濟衆之德過於堯舜遠矣至蠲免錢糧戶部會計歷年所蠲已逾萬萬茲

復

大沛恩膏通免天下地丁銀三千二百六萬四千六百
九十七兩有奇而且念戶口之日繁籌撥解之
煩苦後先遞及遐邇均霑

國用常充民生日裕恭逢

聖壽六旬之期正值輪免初周之日食德飲和之衆競
赴

闕廷謳歌頌禱方謂直省通免

殊恩已徧於域中豈知房地并蠲

新綸又

頒於格外乾元廣大坤德含弘豈戴高履厚者所能測
哉自漢迄今上下近二千年其通免天下田賦
者史不數見隋開皇九年以江表初定唐武德
四年以鄭夏初平若貞觀開元都非無故而舉
惟漢文帝十三年以勸農免天下田租最為近
古至於房地租稅悉與豁除則數千年絕無而

僅有者也蓋

皇上以三代以來未有之聖施三代以來未有之恩天
無不覆地無不載直使含生負識之儔無一不
得其所而後即安猗歟休哉何其盛耶謹錄順
天一疏以槩其餘至若三年周免允屬非常

曠典所有天下臣民謝

恩章奏并採數則附載於後一以見

聖恩之有加無已一以見輿情之歌頌最真焉爾

順天府府尹臣屠沂謹

題為恭謝

天恩仰祈代

題以達輿情事據琉璃亮瓦二廠九門寫橋以裏居

民壽國禎祝萬年程世顯萬邦寧等呈前事內

稱竊楨等生逢

盛世居住

神京鼓腹而樂

堯天每先四表安居而依

舜日頻祝三多凡蠲賑之弘頒必

恩波之首及淪肌浹髓刻骨銘心自堯舜以來未有如

我

皇上今日仁民愛物之深博施濟衆之盛者也茲屆

六旬大慶之昌期復頒

九重非常之恩詔將五十三年在京房地租稅准免一

年並將歷年逋欠銀兩免其追補聞

命自天感

恩無地伏念禎等兩廠居民年等寫橋以裏居民自三

十七年及四十年有新增

國課止因小民輸納維艱是以歷年拖欠今蒙

天心仁愛察及人民疾苦

恩詔下頒既免一年之追徵又蠲歷年之積欠

湛恩汪濊霑被者何止數萬餘家

聖德弘深頌祝者自當億萬斯世扶老攜幼望

帝闕而懽呼巷舞衢歌叩

君門而拜手伏願我

皇上日月升恒億萬年景福於此方昌岡陵鞏固千百

載弘庥自今伊始但小民無具奏之例而輿情

有欲達之私為此具呈伏乞俯賜代

題俾下情得以上達等情到臣欽惟我

皇上

智周萬物

仁覆羣生

弘恩徧滿於寰區

大澤先霑於畿內業已蠲直省地丁之正項今復免

內外房地之租銀

睿慮周詳無微不至

皇仁浩蕩有願畢通

盛世之日舒長

至誠之徵悠久茲據琉璃亮瓦二廠九門寫橋以裏居

民壽國楨祝萬年等環集臣署焚香頂祝

聖壽兼請恭謝

天恩臣不敢壅於

上聞謹恭疏代

題伏乞

皇上睿鑒施行

附錄謝蠲免地丁疏

文華殿大學士兼戶部尚書臣張玉書等謹

奏為

弘恩普被萬方

盛德迥超千古敷天胥慶敬布謝忱事恭惟

皇上躬膺景運手致太平

御極五十年間文德武功蟠天際地薄海內外羣生乂

安而猶

旰食宵衣厘思饑溺儉一身以為天下勞一己以拯萬

民

時邁省方周咨民隱賜租發帑歲不絕書因此歷年所
蠲遂逾萬萬之數是誠從來希覲之盛事矣今
歲陰陽協和雨暘時若四方禾稼咸獲有秋間
有微災旋經賑給民生斯時可稱至幸而

聖主孳孳愛民之切仍未有已也茲復

誕敷雨露

親煥絲綸自明年康熙五十年始合天下地丁錢糧於
三年以內通免一周又以舊逋不蠲則民困不

釋遂於應蠲之歲並屢年積欠一并豁除通計
應免額數二千八百萬兩而所免積欠又數百
萬計以頻歲撙節蓄儲之帑悉散為陰膏而
聖心如傷保赤之懷一無所顧惜總期留有餘之物力
俾成家給人足之風用是弘休養於生民曲盡
老安少懷之量

恩周似海東西朔南所屆無一或遺世徧如春虞夏商
周以來未嘗有此遙知刊

諭頒示丕布寰區或扶杖以觀或秉耒以聽無有不感
德音而垂涕飫

大澤以銘心者臣等忝列班聯親承

曠典五十年以前昇平之歲月如日方升五十年以後
浩蕩之恩波如川方至

德盛則福備羣仰

聖壽無疆本固則邦寧益信鴻圖有永此在

廷諸臣祝頌之至願而亦天下臣民舞蹈之輿情也

臣等謹合詞摠誠

奏陳謝悃伏祈

宸鑒為此奏

聞

經筵講官文淵閣大學士兼吏部尚書加四級臣陳廷

敬等謹

奏為恭謝

天恩事康熙五十年十月初三日欽奉

上諭諭戶部茲康熙五十一年所蠲山西河南陝西甘肅湖北湖南地丁錢糧共計一千一十五萬三千四百兩有奇臣廷敬等在京諸臣欣逢盛典溥沐

弘施欽惟我

皇上德永升恒功高化育深仁厚澤休養生息垂數十年賜復蠲租財賦金錢以億萬計雨暘時若常殷省歲之憂勤家室盈寧猶念含生之疾苦

宸衷無逸

恩膏普徧於萬方

聖澤有加

綸綍旋施於四省山陝為

翠華所及民隱周知楚豫當水陸要衝

皇情尤切

德音下逮父老擊壤以歌衢

玉旨遙頒官吏焚香而拜

詔行見陰陽和會之地屢慶豐年魚米負販之鄉永稱
樂國雍絳少汎舟之役秦晉無乞糴之文四民

悉頌

皇仁九有咸登化宇夫博施濟衆雖堯舜其猶難老安
少懷直天地同一體我

皇上以愛養臻樂利之休本節儉成太平之福豐膏四
沛解澤殷流臣等身列班聯親承

綸命

皇恩似海感深高天厚地之仁

帝德如春忻切就日瞻雲之願自此羣遊熙皞永祝景
祚於無疆共樂昇平益慶鴻圖之克鞏矣臣等

謹合詞摠誠

奏陳謝悃伏乞

聖鑒為此具本謹具

奏

聞

經筵講官文淵閣大學士兼禮部尚書加四級臣王揆
等謹

奏為恭謝

天恩事康熙五十一年十月初三日奉

上諭戶部將康熙五十一年江寧安徽山東江西地丁

錢糧新徵舊欠共計一千二百三十四萬八千

七百九十七兩有奇槩行蠲免臣揆等在京諸

臣恭逢

盛典溥沐

弘施聞

命自

天感

恩無地欽惟我

皇上

功高覆載

德懋生成

登六合於雍熙久殷休養

撫羣黎而解阜彌切綏安凡賦稅之頻蠲非筭籌之
可算爰稽隆古從未前聞芸生之謳頌方深
聖主之照臨倍至載申

綸命弘沛

恩膏同大曜之循行煦育必周乎四海喜甘霖之徧及
涵濡旋被於三方封疆首重夫江南財賦實甲
於天下山左則官山而府海江右則引越而控

荆

帝眷有懷周知土俗

天行所蒞洞悉民依不徒溫飽為既安必使盈餘而始足於是春耕秋斂恒在宵衣旰食之中賜復蠲租尤加物阜民安之後

德音渙發

聖澤弘敷以千萬數之多特行盡免俾億兆人之衆罔不均霑官僚之喜氣雲屯市野之懽聲雷動山

農石戶咸叩首而祝

九重白叟黃童胥焚香而呼

萬歲本豐穰而蓄儲益厚由樂利而俯仰彌饒

聖人之道洋洋注而不息

王者之民皞皞悅且無疆我

皇上以乾坤化育之心致宇宙平和之福無一夫之不

得合萬國而靡遺蕩蕩乎莫罄賡揚濟濟者惟

知扑舞臣等身依

輦轂親荷

絲綸

帝德崇高允矣博施而濟衆

聖恩洪大猗歟厚載以資生欣當

萬壽之昌期行共萬方稱慶願奉三多之華祝敢先三

沐抒誠自此化宇昇平羣遊風動時雍之盛

皇圖鞏固永戴堯天舜日之長矣臣等謹合詞恭繕

奏陳謝悃伏祈

聖鑒為此奏

聞

萬壽盛典初集卷二十九

欽定四庫全書

萬壽盛典初集卷三十

恩賚五

蠲賦二

巡撫直隸等處地方管轄紫荊密雲等關隘贊
理軍務兼理糧餉都察院右副都御史世襲一
等精奇尼哈番加九級臣趙弘燮謹

題為欽奉

上諭事據直隸守道叅政臣李毓柱詳稱直屬五十年

地丁錢糧欽奉

上諭通行蠲免并歷年舊欠亦盡免徵奉文到日一時
巽命風行歡聲雷動欽惟我

皇上御極五十年来深仁厚澤如天地之無不覆載如
日月之無不照臨崇節儉於一身思飢溺於天
下今又將通天下錢糧蠲免一周稽唐虞之世
一夫無不得所未聞終歲無徵考三代以還斗
米亦有三錢幾見輪年免賦況直屬地方被

澤獨先蒙

恩最近歷年之補助河海同深此日之蠲除丘山並厚

軍民感戴仰

帝德而難名紳士謳歌祝

聖壽於罔極積天下之福以為福遠邁軒昊之輿圖散

天下之財以為財永逾商周之厯數既據各道

府紳衿士民合詞恭謝

天恩理合據實轉請代

題以達輿情等因到臣該臣竊查

京師為

王化之首雨露常霑直隸乃萬國之基陽春先到欽惟

我

皇上

恩同天地

德邁唐虞大小共戴生成遐邇咸臻熙皞數十年來

四海昇平萬民樂業考之史冊實所罕見猶蒙

皇上時厯宵旰節用愛民蠲賑頻施不啻萬萬率土羣
黎固已備極休養共安衽席而直屬人民幸生
畿輔屢年受

恩較之他省尤深尤渥茲復蒙

聖德汪洋

恩綸渙汗自明年康熙五十年始將天下錢糧三年內
蠲免一周歷年舊欠并免催征此誠有加無已
之

隆施萬古難逢之

曠典直隸士民首沐

恩膏歡呼特甚

臣准部咨欽遵刊示遍行曉諭并嚴飭

地方官實心奉行去後茲據順天等九府屬士

民各稱黃童白叟歡聲動地家家感戴

皇仁戶戶謳歌

帝德但

聖恩浩蕩無由仰報惟有額手歡呼敬祝

萬壽於無疆等情公懇道府李毓柱等詳請代

題事出土民感激真誠不敢壅於

上聞臣謹恭疏代

題伏乞

睿鑒施行

奉天府府尹臣廖騰燧謹

題為

皇仁浩蕩萬姓歡呼恭疏代謝

天恩事竊惟奉天黎庶幸生

發祥之地長沐

覆幬之仁我

皇上恩膏翔洽感召天和連年秋斂俱慶盈寧今歲西

成尤稱豐穰民之樂堯天而歌舜日者比戶皆

然今又將康熙五十年地丁錢糧各省盡皆蠲

免奉天州縣一體免徵臣接准部咨隨即刊示

徧行曉諭奉錦九州縣家家忭舞戶戶歡呼咸

誦

皇仁之汪濊齊祝

聖壽於無疆紳士里民葉珍文等焚香匍匐環集臣署

懇具

題代謝

天恩臣謹率領在城大小各官并紳士里民人等望

闕叩頭謝

恩訖所有輿情歡躍陳情代謝真誠理合具題

上聞伏乞

皇上睿鑒施行

總理糧儲提督軍務巡撫江寧等處地方都察

院右僉都御史革職留任臣張伯行謹

題為

帝德獨隆千古

皇仁廣被寰區謹據輿情恭陳

天聽事據江蘇等八府州蘇太等十衛紳衿軍民彭會

淇等呈稱伏惟我

皇上

化婉勲華

功兼謨烈統三才而立極念切阜民撫六合以為家

心誠保赤獨我江南尤深

帝眷留漕發賑動帑濬河蠲賦蠲租賜粟賜帛茅屋窮

簷久已同霑

聖澤黃童白叟於今復被

皇恩欽奉

恩綸特頒

曠典蠲積年之夙逋免來歲之新條慶溢江沱歡騰海

澁伏願

聖壽天齊綿綿甲子

皇圖地久永永春秋集太和於盛世呈上瑞於昌時永

享昇平長臻富庶末忱無由上達環叩代疏奏

謝等情據此該臣看得江蘇等屬為財賦重地

仰荷

皇仁眷顧疊沛

恩膏早潦偶聞必蠲租而發賑蓄洩有備更發帑以濟
河加之留漕減糶發票賜帛久已老安少懷無
一夫不獲其所矣今又特頒

上諭將康熙五十二年地畝人丁并歷年舊欠銀兩并
著免徵前署撫臣王度昭接准部咨檄飭江蘇
布政司暨江南都使司一體欽遵并刊刻告示

九
十
徧行曉諭務使遐邇咸知均霑實惠去後茲據
布政司金世揚都司章秉法詳報八屬軍民感
頌情由轉請

題謝前來欽惟我

皇上

仁弘九有

澤徧八埏薄海均荷

博施環江倍蒙

大賚茲者欽承

上諭預蠲來歲新條并免歷年舊逋催科無擾軍民忭
舞於

堯天耕鑿有資童叟謳吟於

舜日將見餘三餘九比屋盈寧皆由蠲舊蠲新頻年優
恤焚香而祝

萬壽者自祖徂孫望

闕而頌三多者摩肩接踵臣蒙

聖恩復撫江蘇蒞任之日各屬紳士軍民環赴臣署籲

請代

題恭謝

天恩臣謹會同總督臣赫壽合詞具

題伏乞

睿鑒施行

巡撫安徽寧池太廬鳳滁和廣等處地方提督

軍務都察院右副都御史加四級紀錄八次臣

梁世勲謹

題為

皇仁疊沛萬姓歡呼臣謹據情具

題恭謝

天恩事據安徽等各府州屬紳衿士民孫元衡等呈為
皇恩浩蕩蠲免錢糧十郡歡騰懇乞代

題事竊惟上膺天祿我

后宜享貢賦於萬方下切民瘼

聖主每播恩施於九土恭遇

籌添海屋忻看

澤沛江村正供蠲而百室寧十郡被倉箱之澤夙逋
免而九歌敘兆民鮮箕斗之嗟

隆恩與

萬壽俱長士民踴躍

大德偕一陽並至里巷歡呼元衡等恭逢

盛世快覩

殊恩布澤施仁薄海仰昇平之化蠲租減賦羣黎蒙樂
利之休共戴

堯天敢忘封祝緣輿情未能上達謹叩代

題謝

恩以達微忱等情到臣據此該臣看得賦稅原一定之
舊章蠲免實非常之

曠典我

皇上軫念民生頻蠲租賦凡屬編氓固已久霑樂利矣

今荷

皇仁浩蕩特沛

恩綸率土正供三年之內全免一周安徽所屬康熙五十二年應徵地丁銀兩欽奉

上諭俱著察明全免歷年舊欠亦并免徵臣接准部咨隨即檄行所屬一體欽遵去後今據闔屬紳衿軍民環擁臣署咸稱恭逢

盛世疊沐

皇恩

聖德汪洋有加無已扶老攜幼頂謝

天恩齊祝

萬壽無疆懇臣代

題并據布都二司暨安徽等十府州縣具詳前來臣
身在地方目覩輿情真切不敢壅於

上聞謹會同帶理江南江西總督印務江西撫臣郎廷
極合詞具

題伏乞

皇上睿鑒施行

護理浙江巡撫印務浙江等處承宣布政使司

布政使加四級臣徐櫬謹

題為

聖主愛養彌弘臣民受恩無既籲懇代

題恭謝

天恩事據杭處等十一府屬紳衿徐潮等合詞呈稱為

聖澤同天

皇仁廣被特請代

題恭謝

天恩事欽惟我

皇上

德備中和

心存胞與大天保而居位備集九如體皇極以建中
用數百福殿書無逸見家室之盈寧圖繪豳風

厘農桑之耕織垂衣裳而治遠近默運於一心
受玉帛以朝大小咸歸於五服恤艱難於赤縣
恩膏徧春夏秋冬普臨照於蒼黎政教暨東西
南北禹甸周疆之內浹髓淪肌堯天舜日之中
含哺鼓腹允臻至治莫罄名言惟浙省夙號沃
饒為財賦膏腴之數今越地久安耕鑿有民物
安阜之休傳

警蹕而遙臨澤已周乎萬姓念雨暘之未若恩又沛

乎

九重省斂省耕快巡行之盛舉議蠲議賑傳補助之休
風九年蓄而世躋春臺百萬家之炊煙相接八
蜡通而人登壽域十一郡之戶口咸寧洵至德
之無加實生民之罕覯乃者留有餘以逮下更
煩

睿慮之周詳務實惠以與民再見

聖恩之汪濊頒

詔徧加於直省蠲租首及乎浙江吏胥跡絕溝塍催科
不擾雞犬聲聞廬舍逋欠皆停留白粲於官倉
粒粒啄殘鸚鵡減朱提於

國課家家飽過蟬魚釀酒烹羔千村樂歲烹葵剝棗
萬井同春山農澤農地農共熙熙而皞皞五穀
九穀百穀皆翼翼而芄芄臣懷愛日之忱民效
呼嵩之祝伏願

一人有慶樂太平者永永金甌

萬壽無疆頌屢豐者綿綿玉厯情深感切藉封章以謝
帝德之彌殷歲泰年豐望入告以動

天顏之有喜葵心傾吐皆在

奏疏之中鳩杖優游竊附謳歌之後等情又據闔屬

耆民王國瑞等呈為

聖恩浩蕩如天萬姓歡呼動地謹抒下情籲請代

題恭謝

天恩事呈稱欽惟我

皇上

治秉一中

功隆兩大

恩波益溥三載而遠近全蠲

德澤彌深一歲而舊新並免快覩

九重綸綍欣聞兩浙謳歌物阜民安即是太平有象河

清海晏咸賡

萬壽無疆瑞等恭逢

聖主幸被陽春浹髓淪肌難酬

高厚伏乞代謝以伸輿悃等情又據杭州前右紹寧台
溫處等八衛嘉湖衢嚴海五所呈請據各衛所
屯運伍老軍丁趙恩潘美等呈稱欽惟我

皇上

大德弘敷

至仁廣被疊沛恩膏處處塗歌巷舞羣霑雨露人人
刻骨銘心今又蒙

特旨念切軍民將五十年額賦

勅賜全蠲歷年舊欠又復免徵

聖恩疊沛如天萬姓歡聲震地惟願千秋益永共慶

萬壽無疆備涇下情頂謝伏乞據情轉詳

題達等情到臣據此該臣看得補助偶行尚喧傳於

夏諺田租減半猶誌美於漢書未有屢蠲屢賑

愈久愈加如我

皇上之愛養勤恤誠千古所罕覩者也浙省康熙四十

八年錢糧曾蒙蠲免今又蠲免五十年錢糧三載之中兩載被澤康熙四十五六七年舊欠分年帶征今又免徵歷年舊欠一歲之內數歲霑恩有司省催科必勞心於撫字萬姓皆溫飽寧致慮乎飢寒是以十一府之紳衿士民八衛五所之運丁屯伍莫不歡聲震天咸仰

一人有慶頓首動地共祝

萬壽無疆將見金甌永固毋庸卜世而卜年玉厯綿長

允矣如帶而如礪

綸音徧布率土均歡茲據布政使徐攬掌印都司繆肇

祺詳請代謝

天恩前來臣謹會同署福浙總督事務福州將軍

臣祖

良璧合詞具

題伏乞

皇上睿鑒施行

巡撫湖廣等處地方兼提督軍務都察院右副

都御史加五級降一級臣劉殿衡謹

題為蠲免疊沛

皇仁臣民頂戴彌篤公懇詳請

題謝上達輿情事據布政使司布政使張聖猷都使

司郭大受詳據武昌等八府十二衛所紳衿耆

庶張希良等呈稱竊惟

聖澤汪洋雨露不遺夫三楚民情真切嵩呼望達於

九重我

皇上

六合為家

萬民同體凡海內黎庶靡不含哺鼓腹共樂雍熙而
聖心軫念民生有加無已各省錢糧次第蠲免不特近
代所罕觀實為曠古所未聞至楚地濱江帶湖
幅員遼濶前康熙四十四年荷蒙

恩綸下沛將楚省四十五年正供槩予蠲免未完逋欠
並停徵輸嗣又特奉

上諭將康熙四十三年以前未完錢糧通行豁免三楚
臣民業已感戴

皇恩刻骨銘心矣今五十一年應徵地丁銀兩復蒙
上諭全免并歷年舊欠俱著免徵

綸音甫下歡頌徧騰江漢之間既庶而富荆襄以上實
盈且寧全楚老幼人民靡不遙瞻

北闕稽首拜颺共祝

聖壽無疆特此公籲轉請代

題恭謝以達微忱等情到臣該臣看得則壤成賦為
從來惟正之常供下令免租乃自古偶行之曠
典從未有

湛恩大沛至再至三

愷澤弘敷自近自遠如

今日者也欽惟我

皇上

九圍化溥

一統仁涵

宵旰日勤知耕織乃足民之本

雨暘時警念農桑為生物之原惟茲三楚編氓尤荷九重軫恤前於康熙四十四五兩年疊奉

恩綸蠲除四十五年地丁銀米豁免四十三年以前未完錢糧固已家霑戶被莫不戴德含恩矣今又特頒

上諭將康熙五十一年地丁銀兩通行全免歷年舊欠

俱著免徵

臣

接准部咨遵即徧示曉諭黃童白

叟沐

綸音之屢渙羣皆巷舞衢歌窮谷深山感

聖澤之頻施咸效嵩呼華祝茲據湖北紳士軍民合詞

公籲

題謝前來臣敢不據實

上聞謹會同督臣鄂海具疏代

題恭謝

天恩伏乞

皇上睿鑒施行

巡撫偏沅等處地方提督軍務兼理糧餉都察院右副都御史臣潘宗洛謹

題為

聖主普沛恩膏兆姓徧霑德澤伏陳謝悃懇達輿情事
據湖南布政使佟國勦湖廣都使司郭大受詳
據長沙等七府二州七衛紳士軍民黃中理等

呈稱欽惟我

皇上

駿德遐昌益勵厚生之政

鴻圖鞏固屢弘恤下之仁固已六宇均霑雨露萬方

同煦陽和矣茲乃特沛

恩綸大施

惠愷將康熙五十一年地丁錢糧全免歷年舊欠俱著

免徵於時聞

命自天歡呼匝地惟是湖南地方屈百粵之衝湖山繡
錯接五嶺之峻民苗雜居久勞宵衣旰食之心
漸臻解愠阜財之盛食毛踐土羣知惟正宜輸
仰秣懷芻共荷太平有本猶且

周咨下隱廣錫弘恩從此僻壤遐陬不聞追呼之小
吏將見飲和食德遙同鼓腹之盛時理等處
南疆星拱

北極衡山開壽域學嵩呼以歌頌萬年洞庭挹恩波

望海若而朝宗百谷值此淪肌浹髓孰不鏤骨
銘心但鰲戴有懷蟲鳴莫達伏乞俯徇下悃恩
賜轉詳上達等情到臣欽惟我

皇上

明並照臨

仁同覆載雨露之澤萬物循環無窮元氣之育羣生
周流不息六合至廣撫綏無異一家兆庶至多
痼瘼實同四體蠲租之

詔屢下賜賑之典頻施顧猶大施德政特沛

恩綸凡此率土正供盡於三年周免湖南所屬五十一
年應徵地畝人丁銀兩察明全免并歷年舊欠
俱著免徵臣接准部咨即欽遵出示并檄藩閩
二司通行闔屬徧為曉諭深山窮谷罔不周知
鑿井耕田誰非食德歡呼載道惟願

聖壽之無疆頂祝盈庭共慶太平之至盛茲據湖南所
屬七府二州七衛紳士軍民公願

題謝前來臣敢不據實

上聞謹會同湖廣總督臣鄂海合詞具

題恭謝

天恩伏祈

皇上睿鑒施行

巡撫陝西等處地方贊理軍務都察院右副都

御史加三級紀錄十次臣永泰謹

題為籲請代

題恭請

天恩事據西延鳳漢四府興安一州各屬紳士軍民梁
鼎等呈稱世際邳隆黎民久遂含哺之樂時逢
豫順蒼生已登衽席之安

皇上猶夙夜孜孜勤圖利濟至我三秦百姓尤加軫恤
於康熙四十二年間將一應未完地丁錢糧
特恩蠲免十年之內浩蕩恩波已蒙再沛今又仰荷

皇仁將五十一年錢糧并歷年積欠皆蠲免免徵真千

古未有之

殊恩也

鼎

等幸生

聖世舉家銜感萬姓同心惟有朝夕焚香頂祝

天子萬壽無疆而已但

九重高遠輿情不克上達懇祈轉申繕疏代陳等情到

臣
恭惟

皇上御極五十年宵旰靡寧時切民隱薄以自奉務崇

儉約之風厚以養民屢布寬仁之政或一年而

蠲數省或一省而蠲數年蠲發之數何止億萬金錢而

皇上惓惓軫恤之意猶恐一夫不獲其所迺因戶口日繁食用或未殷阜特沛

恩綸以五十年為始將天下錢糧於三年之內通免一周將使僻壤遐陬戶戶享豐亨之福茅簷部屋人人登仁壽之年似此

天高地厚之恩誠為亘古所未有也茲康熙五十一年

陝屬地畝人丁額徵銀兩并歷年舊欠銀兩欽

奉

諭旨盡行豁免隨即徧示曉諭闔屬紳衿士民黃童白叟無不踴躍歡呼焚香頂祝

聖天子壽同天地景福無疆今據士民籲請代

題恭謝

天恩等因前來相應會同督臣殷太合詞具

題伏乞

皇上睿鑒施行

巡撫甘肅寧夏臨鞏等處地方贊理軍務兼理

茶馬都察院右副都御史臣岳拜謹

題為

皇仁大沛萬姓歡騰懇請代

題恭謝

天恩事據蘭州廳衛隘屬紳衿士民劉雲翹等公呈為
弘恩普被萬方感德尤切邊土恭陳謝悃仰祈

欽定四庫全書

萬壽盛典初集

卷三十一

二十五

上達事恭遇我

皇上御極五十年文德武功蟠天際地深仁厚澤浹髓
淪肌而猶旰食宵衣廛念窮簷蠲租發帑已逾
萬萬之數茲復誕敷雨露親渙

恩綸蠲免五十一年地丁又免從前積年民欠恩深滄
海舉東西朔南之所居無一或遺惠徧陽春自
唐虞商周迄於今適逢未有朝等身處邊陲親
承

曠典五十年以前坐享歲月昇平安如磐石億萬載以
後永沐恩波浩蕩德若川流惟有比戶焚香瞻

雲就日頂祝

聖壽之無疆益輦

皇圖於萬禩為此連名陳謝仰祈轉達

天聽等情到臣欽惟我

皇上

仁同天地

德邁唐虞

施古帝王未普之恩

徧今海宇無疆之澤甘肅地處邊陲向賴

皇上洪福比年以來五穀豐登萬姓樂業今復奉

上諭將甘肅五十一年地丁銀兩通行全免并歷年舊

欠亦俱免徵

隆恩浩蕩有加無已臣接准部文敬將

上諭恭刊印刷徧示城郭鄉村深山窮谷咸使周知隨


據闔屬紳衿士庶懇請代

題前來臣以輿情真切不敢壅於

上聞謹會同川陝督臣殷太合詞具

題伏乞

皇上睿鑒施行



萬壽盛典初集卷三十

欽定四庫全書

史部

萬壽盛典初集卷三十三

詳校官宗人府府丞葉寶光纂

編修臣程嘉謨覆勘

總校官知縣臣楊懋珩

校對官中書臣徐步雲

謄錄監生臣官懋弼

欽定四庫全書

萬壽盛典初集卷三十一

恩賚五

蠲賦三

巡撫山東等處地方督理營田兼理軍務都察

院右副都御史加四級

臣

蔣陳錫謹

題為

皇恩溥博如天萬姓歡呼動地籲請代

題恭謝

天恩事據濟兗東青萊登六府紳衿里民戴璫等呈稱
欽惟我

皇上文德武功際天蟠地車書一統萬方臻樂利之休
聲教旁敷率土慶昇平之象七政齊而三靈協
瑞四時順而百穀豐登固已擊壤歌衢羣遊熙
皞矣我

皇上念切民依頻加軫恤復將天下錢糧三年之內輪
蠲一周茲奉

聖旨東省五十二年地丁俱著全免歷年舊欠亦俱免
徵灑十行之

綸綍

萬歲山呼蠲億萬之金錢歡聲雷動況山左為齊魯之
邦與

畿輔最近二東草木屢被恩膏十二河山咸霑解澤
從此淳風益茂永享河清海晏之休年歲屢豐
常見婦媿夫耕之樂惟有焚香叩首祝

聖壽於無疆鼓腹含哺慶

洪圖之克鞏茲因

九重萬里輿情不能上達懇請代謝等情到臣欽惟我
皇上

德合乾坤

道隆堯舜

深仁厚澤長養生息者億萬年

賜復蠲租食德飲和者千百國當茲雨暘時若猶懷

四海之憂勤值此家室盈寧彌軫一夫之疾苦
特命將天下地丁錢糧自五十年為始各省輪蠲茲奉
上諭東省五十二年地丁俱著全免歷年舊欠亦並著
免徵統計三年之內總免過天下地畝人丁新
徵舊欠共銀三千二百六萬四千六百九十七
兩有奇

皇恩似海大地咸周

帝澤如天無人不被佇見物無失所羣遊化日之中民

不能名共躋春臺之上臣准部咨即刊刻告示
通行曉諭山陬海澨處處霑

恩白叟黃童人人戴

德莫不扶鳩嵩祝感天高地厚之仁盥手焚香切就日
瞻雲之願咸頌

天子無疆之壽直與天齊

聖人有道之期永同山峙茲據合省紳衿里民紛紛環

繞臣署籲懇題謝理合具

題恭謝

天恩伏祈

皇上睿鑒施行

巡撫山西太原等處地方提督鴈門等關軍務

兼理雲鎮都察院右副都御史加四級臣蘇克

濟謹

題為租賦屢蠲

恩波普被懇祈代達輿情恭謝

皇恩事據山西闔省陽曲等九十七州縣并各衛所紳衿里民劉璋等呈稱

皇上御極以來文教振興武功赫濯勤稼穡則時厘雨暘重農桑則圖成耕織五十年

太平天子樂海晏而慶河清億萬載

有道聖人沐春風而霑化雨固已飲和食德登四海於春臺抑且戴義履仁偕萬姓於壽域矣乃猶

軫念深山窮谷無傷若覺有傷因而深思夏稅秋糧一

免且加再免次歲新租槩行全豁歷年舊欠亦
著免徵歡騰海宇扶杖而觀者皓首龐眉喜溢
郊圻鼓腹而歌者黃童稚子誠哉

舜日重遊允矣

堯天再覩璋等躬逢

盛世久沐

宏仁效華祝而爭先學箕疇而恐後但

九重既遠莫聞蒿嶽之呼使衆志徒慙難達康衢之頌

伏祈俯念輿情代達

帝座恭謝

皇恩等情到臣欽惟我

皇上

惠政覃敷四海戴汪洋之澤

仁風廣布萬方霑浩蕩之波賑卹之典頻頒蠲租之

詔屢下三晉人民從前屢沐

皇仁茲又蒙

綸音特沛將康熙五十一年應徵地丁銀全免並歷年
舊欠亦著免徵民既不困於輸將吏得專心於
撫字終年休息比戶盈寧此真

高天厚地之生成抑亦從古及今之

曠典也臣接准部咨當即欽遵通行頒示曉諭凡茲軍
民人等無不歡呼雷動焚香叩首齊祝

聖壽無疆今據通省各屬紳衿里民呈請代

題恭謝

天恩前來理合據實

上聞伏乞

皇上睿鑒施行

巡撫河南等處地方提督軍務兼理河道兵部

右侍郎都察院右副都御史加五級臣鹿祐謹

題為

聖恩浩蕩難名萬姓銜感至切謹抒輿情恭疏代

題叩謝

天恩事據河南通省紳衿里民宋犛等呈稱竊惟

皇上

德配勲華

功隆參贊伏自

御極以來宵衣旰食

躬理萬幾薄賦省刑

心勤四海固已率土懷恩普天同慶矣犛等生長中州

與

畿輔接壤

聖主加意撫綏日享昇平之福時蒙怙冒之仁今

特沛恩綸將河南省康熙五十一年應徵地丁錢糧除

漕項外通行免徵跪誦

上諭感激無涯凡窮鄉僻壤童叟婦女莫不歡忭拜舞

遙叩

九重頂祝

聖躬享無疆壽考

皇圖歷億萬斯年伏乞俯賜代

題叩謝

天恩到臣欽惟我

皇上

巍巍至德

蕩蕩神功物阜民康猶存已溺已饑之願損上益下

彌弘與聚勿施之仁今將天下錢糧數千餘萬

三年之內全免一周大哉

皇恩真曠古所未逢史冊所罕覩者也茲豫省康熙五
十一年地丁錢糧欽奉

上諭盡行蠲免臣准部咨隨即刊刻告示通行曉諭頒
示之日老幼擁觀望

闕叩頭環繞臣署咸稱臣等幸生

聖人之世得為

聖人之氓疊荷

殊恩無可報答惟有家家焚香拜祝

聖壽無疆

皇圖永固但下情無由上達懇請代

題恭謝

天恩前來臣不敢壅於

上聞理合恭疏

題報伏乞

睿鑒施行

巡撫江西等處地方兼理軍務都察院右副都

御史加四級臣佟國勣謹

題為

皇恩均霑於萬國輿頌更切於西江公叩代

題以伸謝悃事據闔省鄉紳士庶宋一瑞等呈稱欽惟

皇上

仁同天地

德邁唐虞饑溺為心惟恐一夫不獲痼瘵在念真令

萬物皆春甘雨和風久慶雨暘之時若丁男紅

女已看耕織之成圖而且賜復蠲租大地咸霑
雨露停徵減賦何年不沛

絲綸更蒙軫念民生弘施

聖澤周一十五省之疆域免數千百萬之金錢

宸眷及於大江以西

皇恩真自九天而下潯陽江畔人人重上春臺章貢城
邊處處盡登樂土含哺鼓腹覺

至德之難名擊壤歌衢識太平之有象瑞等未申芹報

長切葵丹樂井養之無窮致兌和之有喜為此
瞻雲泥首望

闕抒心祝

天子之萬年頌

聖人之多壽伏乞代

題以伸謝悃等情到臣欽惟我

皇上

聖德如天

皇仁匝地歲稱有歲猶蠲免之時聞年屬豐年尚賑卹
之下逮蓋臻已安已治益切如保如傷康熙五
十一年十月十四日准戶部咨康熙五十一年
十月初三日奉

上諭將江寧安徽山東江西各撫屬五十二年地丁錢
糧全行蠲免歷年舊欠並著免徵等因隨經前
撫臣檄行布政司刊布告示分發府州縣徧處
張掛務使里民盡霑實惠去後今據閩省紳衿

耆民宋一瑞等呈懇題謝前來情詞懇切臣何敢
壅於

上聞謹會同江南江西督臣赫壽合詞具疏伏乞

皇上睿鑒施行

巡撫福建等處地方提督軍務都察院右副都

御史加二級降五級戴罪効力臣黃秉中謹

題為

皇恩蠲賑疊沛海甸頂戴靡深謹抒輿情轉詳代

題叩謝事據福州等九府一州紳衿耆老軍民陳子
威等呈稱竊

聖主怙冒萬方恒厓饑溺之由已愚民利賴百畝惟知
衣食之為天故暑雨祁寒每咨嗟乎旱潦而寬
征減賦用補助乎春秋欽惟

皇帝陛下

懋建中和

聿弘參贊

聖神天縱普覆載以無私道德日新調陰陽而式序肅
雍宮廟文德舞干羽於兩階赫濯聲靈武功平
遂達乎三孽蛟宮蜃窟盡入車書砂磧窮荒咸
來琛賁不特地擴於漢唐明宋抑亦功高於虞
夏商周邇自

臨御以來海宇同風邊隅向化孳孳保赤不啻顧復之
懷殷殷足民莫釋宵旰之念一夫無失所之嗟
萬國有成寧之慶乃猶賜復之

旨頻頒逾億萬金而弗惜豁免之

詔屢下歷五十載而聿新澤不比於屯膏道大光於益
下惟茲八閩隸於海濱

聖天子居九重之上眷注獨殷無待疇咨遂頒

勅諭緩現征而兼撥賑宥宿欠而免新糧更恤兵餉莫
資悉撥隣省協濟躬逢雨露咸知

帝澤之深手捧

絲綸仰見

王言之大玉鳩為杖老人多拂薰風竹馬堪騎童子盡
遊化日黃卷勤燈前之讀縫掖何須入縣之庭
綠野催雨後之耕婦子不見呼門之吏惟是長
安千里情詞難達於

楓宸所願

天子萬年頌禱尤殷於海濱僉呈籲懇冒乞奏

聞等情到臣欽惟我

皇上

厯符軒昊

道冠羲皇

流膏澤於普天損上者斯以益下

沛恩波於大地足國者必先裕民固已餘一餘三人

人樂業求千求萬處處蒙休矣然而

聖心未已復又

大沛恩綸

特頒上諭直隸等省康熙五十年地丁銀兩俱著全免

歷年舊欠亦俱著免徵此誠千古未有之

弘恩史書所罕載者也聞

命之下黃童白叟踴躍歡騰齊祝

萬壽無疆臣准部咨隨行各屬一體欽遵去後茲據各
府紳士耆老軍民人等僉籲代

題恭謝

天恩前來臣不敢壅於

上聞伏乞

睿鑒施行

巡撫福建等處地方提督軍務都察院右副都

御史臣覺羅滿保謹

題為

皇恩浩蕩難酬黎庶歡騰無地籲請代

題以達輿情事據布政使金培生等詳據臺灣府屬

紳衿里民陳逸等呈稱閩省為濱海要區臺灣

尤海外重地

聖恩之漸被彌深黎庶之瞻依益切蠲閩省九府一州
五十年之地丁銀兩既咸感

皇仁免臺屬一郡三縣五十一年之正供稻穀又盡霑
實惠誠亘古所未有亦史書所罕見

帝德之廣運靡遠弗周萬姓之銜

恩有誠宜達等情到臣欽惟我

皇上

德被八埏

恩濡九有

舜風和暢羣黎咸解愠阜財

堯日舒長兆姓盡含哺鼓腹廣廈細旃之上時厘民
依茅簷蔀屋之間實霑

聖澤昨年免賦全閩已戶溢朱提今歲蠲租臺郡復家
盈玉粒是以黃童白叟效嵩呼於薄海之濱行
看東作西成廣露積於遐陬之壤既據司道詳
據臺灣府屬紳衿里民呈請代

題恭謝

天恩前來臣不敢壅於

上聞謹會同閩浙總督臣范時崇合詞具

題伏乞

睿鑒施行

總督廣東廣西等處地方軍務兼理糧餉兵部

右侍郎都察院右副都御史加三級仍帶軍功

五次臣趙弘燦謹

題為

皇恩廣被士庶歡呼據情代

題恭謝

天恩事據廣東鄉紳鄭際泰并闔省軍民人等公呈稱

伏惟

聖澤旁敷爰灑一天膏雨

皇仁廣被徧吹五嶺薰風追虞廷解慍之絃邁漢室蠲
租之詔千百代難逢之

三十一
曠典五十年特沛之

殊恩六宇歡呼萬方感戴欽惟我

皇上

至仁育物

大德統天

極建深宮統萬方而徧德

恩覃薄海胥九有以同春盈廷協師濟之休刑清政簡

比戶沐雍熙之化物阜民康萬姓固已登衽席

之安

九重猶復厪宵旰之慮於是正賦全蠲甘露來從天上
分年遞免陰膏先及海濱

丹詔初頒山川毓瑞

玉書同捧草木迴陽父老慶盈寧自堯舜以來纔逢此
日室家樂康阜凡乾坤之內共戴吾

君蕩蕩周疆均沐風風人雨雨人之澤昞昞禹甸共霑
衣衣我食食我之仁泰等涓埃莫報恭養徒深

惟願

皇圖與日而俱長共祝

聖壽同天而並久敬陳下悃伏祈俯准代

題等情到臣欽惟我

皇上恩同覆載軫念民生歷年蠲免數逾萬萬茲復蒙

特頒

諭旨將康熙五十年地畝人丁錢糧并歷年舊欠銀兩

槩行豁免此實亘古未聞之

盛事也臣因會審欽案在省接准部咨當即轉行各
司道府州縣衛所一體欽遵茲據閩省紳衿軍
民人等環臣行署歡呼踴躍焚香叩首懇請代
題前來臣恭逢

盛世身任地方目覩輿情真切并據廣東布政使高
必弘呈詳到臣不敢壅於

上聞謹會同廣東撫臣滿丕合詞具

題伏乞

皇上睿鑒施行

巡撫廣西等處地方提督軍務兼理鹽法都察

院右副都御史臣梁世勲謹

題為呈懇代謝

天恩事據桂林各府紳衿里民鄧佳植等呈稱我

皇上宵旰不遑勵精圖治者五十年

恩施普及薄海內外固已民歌康阜士樂盈寧自堯舜

以來未有如

今日之盛者也康熙三十三年四十三年内蒙

皇上軫念邊氓

特加恩恤將應征錢糧槩行豁免感戴之私至今難忘

今又將五十年地丁蠲免僻壤遐陬

恩施一體億兆歡忭祇有焚香九叩頂祝我

皇上之德真天地無疆之德我

皇上之壽真天地無疆之壽而已伏祈俯准代

題等情到臣該臣看得粵西僻處邊陲獠獍雜處耕

鑿之外民鮮生業屢荷

皇上厚澤深仁加意軫恤今又欽奉

上諭將康熙五十年應徵地丁銀兩通行蠲免仰見我

皇上至德弘仁無遠弗届

臣

即欽遵宣布一時

溫綸遠播萬姓歡呼白叟黃童靡不焚香頂祝感激

天恩茲據桂林等九府屬紳衿里民鄧佳植等紛紛赴

臣衙門呈請代達又據布政使黃國材具詳前

來臣何敢壅於

上聞謹會同兩廣督臣趙弘燦合詞代

題伏祈

皇上睿鑒施行

巡撫四川等處地方提督軍務都察院右副都

御史臣年羹堯謹

題為蠲賦

諭出九重感恩歡騰萬姓公陳下悃叩謝

天恩事據成都府屬紳衿士庶羗民向庭賡吾只木保

等呈稱切賡等四川編民生逢

盛世仰沐

皇恩念僻壤之凋殘教養日勤

宵旰叨深仁之浹洽風俗克躋雍熙茲特大沛

恩綸來歲錢糧盡免

澤以三年普被知覆載之無私

恩同八省先施仰照臨之遠屆賡等惟有鼓腹含哺共

樂太平有象嵩呼華祝羣頌

聖壽無疆望

闕叩謝

天恩環庭公懇上達等情到臣該臣看得蜀省天末遐
荒仰賴我

皇上擴胞與之深懷振勞來之至德愛養備至軫恤頻
加地方日有起色矣茲又欽奉

上諭將康熙五十年應徵地丁各項錢糧俱著全免臣
接准部咨即通行司道府廳州縣衛所土司一

體欽遵去後隨據布政使吳存禮詳據通省紳
衿士民歡呼踴躍感頌

聖恩且言川省錢糧不足仰供經費每歲尚賴別省協
濟兵餉五十餘萬兩今七年之內兩荷全蠲厚
澤深仁實倍他省從此玉壘錦江一時增色茅
簷蔀屋到處騰歡惟歌

聖人有道之昌期益祝

天子無疆之寶祚懇請代

題謝

恩前來臣不敢壅於

上聞理合具

題伏祈

皇上睿鑒施行

巡撫雲南兼建昌畢節等處地方贊理軍務兼

督川貴兵餉都察院右副都御史加七級臣吳

存禮謹

題為

聖恩徧及遐方萬性情殷感戴籲請代

題恭謝

天恩事竊臣前任四川布政司時蒙四川巡撫臣年羹

堯川陝總督臣殷太牌開欽奉

上諭事等因到臣隨班恭設香案望

闕叩謝臣旋蒙

聖恩陞授雲南巡撫由蜀而黔途間經過大小村莊父

老子弟感頌

皇仁聲滿山谷及入滇境所屬軍民人等扶老攜幼咸
稱我等生長邊方荷蒙

聖主生成安享太平今又蒙

皇恩浩蕩蠲免五十年分地丁錢糧我等小民無可報
効惟有家家戶戶頂祝

萬壽無疆懇將下悃代謝

天恩等情臣於四十九年十二月二十八日抵臣駐劄

衙門雖經陞任撫臣郭琰出示曉諭臣復刊示
通行務令百姓均霑實惠毋許地方官私自徵
收外隨據雲南布政使李華之詳據雲南等府
詳稱閩省紳士軍民涂崇等呈稱崇等僻處邊
隅遭逢

聖世輕徭薄賦時叨怙冒之仁賑穀蠲租屢沐矜全之
德桑麻閭井共荷

天庥子弟田疇羣霑

聖化感

皇仁之無外頌

帝德之難名乃滇省五十年分地丁錢糧又蒙

皇上宏恩盡行蠲免真千載所難逢史冊所罕見也崇

等惟有虔祝

聖壽於無疆叩頌瑤圖之罔極轉請代

題等情到臣欽惟我

皇上乾坤為量日月同輝蠲賑頻施四海共徵樂利痼

瘵在念萬方咸戴生成乃猶三年以內蠲千百
萬之錢糧率土之中免十數省之正課

殊恩異數德邁百王厚澤深仁治越千古惟此洱海滇
池之地並沐

堯天舜日之華萬里陽春四時雨露戴

君恩於罔極祝

聖壽之無疆既據該司詳報前來臣又目擊與情感戴
懇切不敢壅於

上聞理合恭疏具

題代謝

天恩伏乞

皇上睿鑒施行

巡撫貴州湖北川東等處地方提督軍務都察
院右副都御史加五級臣劉蔭樞謹

題為仰懇詳

題代謝

天恩事據貴州布政使司布政使張建績詳據貴陽等
十一府紳衿民苗周俊等呈稱竊惟耕九餘三
史頌仁明之政什一而賦書稱有道之年從未
有蠲周天下之租免及歷年之逋愛民如子沛
德如天者也欽惟我

皇上

聰明睿知

文武聖神

親決萬幾定萬世不磨之制

恩流九有擴九州莫外之圖與凡要荒侯甸之區重
譯不毛之地莫不鑿井耕田雨暘時若家慶屢
豐史書大有真五十年如一日十五省如一家
茲復特頒

上諭將天下錢糧以及歷年逋欠自五十年為始通免
一周黔省邊方先行蠲免俊等雖生長邊隅

君門萬里而慈暘甘雨露霖無殊從此大地盈寧萬邦

溫飽皆出

皇恩之所賜惟有扶老攜幼羣望

闕庭共祝

聖壽於無疆伏懇詳

題代謝

天恩以洽輿情等因呈詳到臣欽惟我

皇上

愛同天普

化與日新

卑服而即康田心懷保赤

揮絃而思解阜念切勤民數千萬之金錢灑為一天
化雨億萬姓之衣食咸沐

九陞春光

鳳詔初頒雷聲四布臣准部文即刊刻通行出示徧諭
咸使聞知隨據布政使張建績詳據貴陽等府
闔省紳衿民苗周俊等公同具呈求代謝

天恩到臣謹會同雲貴總督臣郭鶚合詞具

題伏乞

皇上睿鑒施行

萬壽盛典初集卷三十一